

VA NA NA RITO

Langutisiso wa Nawu wa Mpfuneto wa Mavandla ya Tipolitiki lama Yimeriweke hi Timali ta Mfumo wa Nomboro ya 103 wa 1997

Xirhambo xa Swibumabumelo

Mpfuneto wa mavandla ya tipolitiki lama yimeriweke eka tihuvo to endla milawu ta tiko hinkwaro na swifundzankulu hi timali ta mfumo wu nyikiwa hi ku tirhisa Nawu wa Mpfuneto wa Mavandla ya Tipolitiki lama Yimeriweke hi Timali ta Mfumo wa Nomboro ya 103 wa 1997.

Hi ti 6 Mudyaxihi 2017, Huvo ya Rixaka yi bohe leswaku:

- matirhelo ya mavandla ya tipolitiki hi ku hetiseka i ya nkoka eka ku tlakusa xidemokirasi xo fambisiwa hi Vumbiwa eAfrika-Dzonga, naswona ngopfungopfu eka vuswikoti bya mihlangano yoleyo ku yimela vaaki; na leswaku
- mavandla ya tipolitiki ma lava mpfuneto hi timali wo ringanela ku endlela ku tirha mitirho ya wona no tlakusa xidemokirasi na leswaku ndlela no va erivaleni ka mpfuneto hi timali wolowo i swa nkoka eka mbangu wo aka ku tshemba ka vaaki eka sisiteme ya swa tipolitiki.

Hi ku languta leswi boxiweke laha henhla, Huvo ya Rixaka yi tumbuluxe Komiti ya Nkarhinyana eka Mpfuneto wa Mavandla ya Tipolitiki hi Timali ku lavisisa eka mpfuneto wa mavandla ya tipolitiki hi timali lama yimeriweke eka tihuvo to endla milawu ta tiko hinkwaro na swifundzankulu eAfrika-Dzonga. Ku fikela sweswi, Komiti yi fanele yi tekela enhlokweni modlolo wa mpfuneto wa mavandla ya tipolitiki hi timali hi mfumo na mihlangano leyi nga riki ya mfumo. Ku tatisela kwalaho, ku langutisiwa ku ta nyikiwa eka xilaveko na tindlela leti tirhisekaka to lawula mpfuneto hi timali hi mihlangano leyi nga riki ya mfumo hi swivumbeko hinkwaswo swa tona (ku katsa mihlangano ya vuvekisi leyi nga ehansi ka vun'wini bya mavandla ya tipolitiki). Komiti yi nga tlhela yi tisa ku cinca eka milawu leyi nga kona.

Komiti yi rhamba swibumabumelo swa vaaki eka ndlela leyi Nawu wa Mpfuneto wa Mavandla ya Tipolitiki lama Yimeriweke hi Timali ta Mfumo wa Nomboro ya 103 wa 1997 wu nga tiyisisiwaka hakona ku pfumelela ku va erivaleni lokukulu eka ndlela leyi mavandla ya tipolitiki ma pfunetiwaka hi timali hakona ku endlela ku vona leswaku ma tirha hi ku hetiseka. Leswi swi tsakisaka ndopfu i modlolo wa mpfuneto hi timali ta mfumo na mihlangano leyi nga riki ya mfumo xikan'we na mihlangano ya vuvekisi leyi nga ehansi ka vun'wini bya mihlangano ya tipolitiki na nkoka na tindlela leti kotekaka to lawula swivumbeko hinkwaswo swa mpfuneto hi mali hi mihlangano leyi nga riki ya mfumo xikan'we na mihlangano ya vuvekisi leyi nga ehansi ka vulawuri bya mihlangano ya tipolitiki.

Swibumabumelo leswi tsariweke leswi katsaka ku kombisa ka n'wina ku hlamusela hi nomo eka tinhlengeletano to twa miehleketo ya vaaki leti lulamisiweke ku va kona hi Mhawuri, swi fanele swi fika eka Komiti ku nga se fika 10:00 hi ti 21 Mawuwani 2017. Komiti yi na mfanelo wo boha leswaku hi yihi mihlangano/vanhu lava yi nga ta va rhamba ku ta hlamusela hi nomo.

Nawu wa Mpfuneto wa Mavandla ya Tipolitiki lama Yimeriweke hi Timali ta Mfumo wa Nomboro ya 103 wa 1997 xikan'we na swinawana swa wona swa fikeleleka hi ku tirhisa www.parliament.gov.za, naswona wu nga tlhela wu komberiwa ku suka eka Matsalana wa Komiti ya hina (vuxokoxoko byi laha hansi).

Swivutiso na swibumabumelo leswi tsariweke swi nga kongomisiwa eka Cindy Balie, Matsalana wa Komiti: Komiti ya Nkarhinyana eka Mpfuneto wa Mavandla ya Tipolitiki hi Timali, 3rd Floor, 90 Plein Street, Cape Town, 8000, kumbe cbalie@parliament.gov.za, kumbe fekisi: 086 655 5444. Komiti ku nga tlhela ku tihlanganisiwa na yona eka 021 403 3667 kumbe 083 709 8444.

Xi humesiwile hi Mutshamaxitulu wa Komiti ya Nkarhinyana eka Mpfuneto wa Mavandla ya Tipolitiki hi Timali, Nkulukumba VG Smith, Xirho xa Palamende.